

DISSERTATIO MEDICA
De
CEPHALALGIA

Quam
DEO DIRECTORE SUPREMO

In Almâ Witebergenſi

PRÆSIDE

RECTORE MAGNIFICO

Ampliſſimo, Excellentiſſimo & Experiētiſſimo

VIRO

DN. DANIELE SENNERTO,
Philos. & Medic. Doctore, Facult. Med. P. P. ejus-
demque Collegii Seniore, nec non Serenissimi Electoris
Saxoniae Medico Ordinario, Dn. Præceptore ac Promotore suo,
omni observantiæ cultu prosequendo

In Auditorio Medicorum ad diem 21. Aprilis

Horis consuetis

Placidæ dispositioni publicè subjicit

JOACHIMUS SPECHT

Mega · Glogan. Siles.



WITEBERGÆ,

Typis Hæredum CHRISTIANI THAM.

ANNO M. DC. XXX.

CEPHALALGIA

DEO DIRECTORE SUPREMO

EDWARD WILLIAMSON
M.D. 1844
D.D. 1844
D.D. 1844





B. C. D.

I.

Inter varia variorum morborum, quibus genus humanum diris durisq; affligitur modis, genera, non minimum censetur istud, cum nobilissima mentis humanæ arx impugnatur, & veluti rapidissimo dolorum mari exposita, à fluctibus materiæ contumacissimæ horribilissimis sursum deorsumq; hac atque illac rapitur, agitur & tantum non in totum deturbatur. De hac itaq; affectione, cum mihi detur copia in præsentiarum differendi, brevissima mentis indagine in eam inquiram cum Deo feliciter.

II.

Cum apud Gal. & Græcos tria sint nomina, quibus dolores capitis indignantur, videl. cephalæa, hemicrania, & cephalalgia; sciendum est hoc in loco non in specie considerari cephalæam, quæ teste Gal. 3. de loc. aff. 9. 2. de med. f. l. 2. Forest. l. 9. observ. 54. Fern. l. 5. de part. morb. & sympt. c. 1. describitur, quod sit capitis dolor diuturnus & difficulter solubilis, qui à levi occasione accessiones habet, ut neque strepitum, neque vehementiam vocis, neque lucis splendentiam, neq; motum æger possit tolerare; sed tranquillitatem & propter dolorem vehementem, cubiculum obscurum requirat, unde nonnulli veluti malleo se percuti arbitrantur; alii ea, quæ in capite sunt, contundi sentiunt, neque paucis ad radices oculorum usq; dolor extenditur, quinimò hujusmodi accessiones, veluti morbo comitiali laborantibus, aliqu. intermittunt.

III.

Neque etiam hic tractatio instituitur de Hemicrania, quæ Gal. dicente 2. de comp. med. f. l. 3. Rud. Eustach. l. 1. de cap. A 2 dolor,

dolor. c. 1. Fern. l. 5. de part. morb. & sympt. c. 1. Forest. l. 9. obs. c. 58. Aet. l. 6. c. 69. Paul. l. 3. c. 5. etiam est dolorifica affectio, circa mediam capitis partem obveniens, plerumque per circuitus exacerbari solita, vaporum vel humorum defluxu, qui vel copia, vel caliditate, vel frigidityte infestent; ac quibusdam extra calvariam, quibusd. in profundo capitis; aliis circa temporum musculos acutissimus dolor percipitur.

IV.

Neque etiam de illa specie nobis hic sermo est, quæ Monopogia ab aliis dicitur, cum scilicet dolor unam capitis partem occupat, vel posteriorem vel anteriorem Forest. ibid. in schol. sed de tertia hoc loco agimus, putà de Cephalalgia.

V.

Quæ Græc. κεφαλαλγία Lat. capitis dolor, Germ. das Hauptwehe/Arabib. soda, ab affecta sede, quæ κεφάλιον, κεφαλή, vel κεφαλὴς dicitur, quod caput afficiatur, & symptomate, denominationem suam sortitur.

VI.

Est a. affirmante Gal. 3. de loc. aff. 9. Excell. Dn. Præsid. l. 1. prax. part. 3. sect. 1. c. 3. Forest. l. 9. Obs. 1. in schol. Brucl. in praxi Theoric. & Empiric. c. 1. nihil aliud, quàm recens laboriosus capitis sensus, propter gravem ejus mutationem seu continui solutionem.

VII.

Subjectum hujus affectus est caput. Gal. l. 2. de comp. med. f. l. c. 1. Forest. ibid. Cl. Dn. Præf. l. 1. prax. part. 1. c. 1. 2. & seq. l. 1. part. 3. sect. 1. c. 3. Fern. eod. l. alleg. quod primariò per essentiam ex intemperie vel simplicissima videl. calore, frigore, siccitate; vel cum materia vel sine materia, ratione venarum, membranarum, nervorum, cutis &c. offenditur, ut quandoque unum tantum harum partium genus, quandoque verò plura, pro ratione causarum concurrentium, invadat & corrumpat.

VIII.

Licet autem per illam affectionem caput lædatur, non tamen causa mali semper in capite hæret & generatur, sed eam etiam

etiam suppeditant reliquæ partes, quæ ab Avic. 1. 3. tract. 2. c. 6. 7. Forest. 1. 9. obs. 41. 42. & seq. Excell. Dno. Prasf. recensentur, quales sunt hepar, ventriculus, lien, renes, uterus, hamech seu hypochondria, velamen seu diaphragma, intestina, pulmones, mamillæ in mulieribus, quibus aliquando ex retentione & putrescentia lactis, hic mali focus oboritur.

IX.

Utrum affectio præsens vel intra vel extra calvariam generetur, dignoscere facile est ex præsentia doloris. Nam si dolor ad oculorum usque radices extendatur, intra calvariam hæc existet; si verò non perveniat ad ipsa oculorum fundamina, extra calvariam commorabitur dispositio.

X.

Hujus sensationis dolorificæ cum variæ à plurimis statuuntur causæ, eas prælibare necessum est. Quæ sunt vel continens seu proxima, vel remotiores, quæ sunt vel internæ, vel externæ.

XI.

Continens causa est solutio continui in partibus capitis sensitivis seu membranosis ex subitanea illa alteratione seu repentina mutatione producta.

XII.

Remotiores internæ sunt vel cum vel etiam sine materia.

XIII.

Sine materia sunt intemperies vel simplices, quando modo qualitatum una exsuperat; cum ex intemperie tantummodo calida hic dolor manat. Forest. 1. 9. obs. 5. vel ex frigida 1b. obs. 6. sicca. obs. 8.

XIV.

Vel dantur compositz, cum plures quam una intemperies conjunguntur, calida & sicca, frigida & humida intemperies.

XV.

Cum materia verò sunt humores, quoscunque continent, cum quilibet humor vel seorsim ad producendam hanc passionem dolorificam accedit. Potest enim ex sanguine solo hic dolor causari, Forest. 6. 9. obs. 10, 11. E bile flava obs. 15. pituita obs.

17. 19. vel melancholia obs. 20, 21, 23. Vel conjunctim cum reli-
quorum commixtione progenerari. Quod ipsum Clarif. Medi-
cor. unanimis consensus satis superq; confirmat. Nam è san-
guine bilioso cum phlegmone erysipelatoſa in facie, Forest. obs.
12. l. 9. E. bile cum pituita mixta ejusd. l. obs. 16. &c. optimè hoc
ſymptoma pronasçitur.

XVI.

Uade non immeritò ex his conflatis obſtructio vaſorum &
meatuum capitis excitatur. Nam dum hæc viarum eò humo-
res ducentium præcluſionem molitur, vaporumq; tranſitum or-
dinarium & lege naturæ præſcriptum prohibet, iſſis tranſeunti-
bus partes reſiſtunt, & per hanc reſiſtentiam patiuntur continui
ſolutionem indubitata. Quinimò pars obſtructa per humo-
ris obſtruentis qualitatem, pravam & nimiam quantitatem inæ-
qualiter afficitur & priſtino ſanguinis ſpirituumq; influxu libe-
riori defraudatur, & tranſpiratione conſueta privatur.

XVII.

Et cum his cauſis conjuncta eſt interdum occulta aliqua
& venenata qualitas, ut in lue venerea aliisque morbis cernere
licet; in quibus manifeſtis qualitatibus etiam deleteria, & menti
noſtræ vix obvia diſpoſitio, aſſociatur.

XVIII.

Quibus omnibus adjungunt plurimi aliam etiam cauſam,
vermes nimirum. Licet enim ſint aliqui, quibus animus eſt ne-
gare, vermium generationem in capite vel ejusdem partibus
non poſſe admitti. Illorum tamen rationibus neglectis certò
certius nobis perſuaſum habemus, hos eo ipſo in loco reperiri
& per conſequens capitis dolores producere. Id quod calculo
ſuo comprobat Avic. l. 3. ſen. 1. tract. 2. c. 3. in hunc modum aſ-
ſerens, Medici Indi dixerunt, quod quandoque in cauſa Sodæ
ſint vermes, geniti in capitis partibus, motu ſuo lædentes, ten-
ſione & corroſione ſua; & quidam removerunt hoc; ſed non
eſt neceſſarium, ut removeatur. Nam vermes multoties na-
ſcuntur in anteriore capitis parte. Holler. & Franciſc. Hilds-
heim.

heim. in specileg. Rud. Eustach. l. i. de cap. dolor. Cl. Dominus Praeses l. i. prax. part. i. c. 15. & 18. Quod ipsum indicat dolor cum rosione quadam & cum pruritu in naribus, Ibid. l. i. part. 3. sect. i. c. 3.

XIX.

Antecedentes verò sunt intemperies quaelibet, vitiosor. humorum, vaporum, Forest. l. 9. obs. 26. & flatuum generatrices. Inprimis autem capitis & universi corporis pro implendo humore dispositio accommodatissima; nimirum habitus corporis, in quo flatulentus spiritus & vaporosus progignitur, aut in quo biliosa excrementa in ore ventriculi colliguntur.

XX.

Viscerum obstructions, menstruor. aut hæmorrhoidum, aut alterius cujusdam evacuationis continuandæ suppressiones, pravi ulceris in parte aliqua intempestiva occlusio. *Ευπαθία*, ortum habens vel à capitis imbecillitate, vel sensus etiam exsuperantia. Hinc est quod odorum vel etiam aliarum rerum vehementem fragrantiam alii tutò & sine molestia sustineant; alii verò non sine insigni læsione illam perferre ullo pacto valeant.

XXI.

Procatasticæ sunt res omnes præternaturales, utpote cibus & potus tam quantitate, quam qualitate peccans, ut sunt lac; allia, cepæ, raphanus, dattylus, nuges, crocus, sinapi, rapæ, vinum, cerevisia nondum defecata, glandes quercinæ, Forest. l. 9. obs. 27. Ciborum defectus nimius; somnus & vigiliæ obs. 14. excessum vel defectum importantes; immoderatus & inordinatus corporis & animi motus obs. 4. Vel etiam quies, venerisque usus. obs. 29. Excretor. & retentor. vitium, impressa aeris frigiditas, nebulosa aliaque aeris depravata constitutio. Ventorum, & inprimis Austri malitia, diuturna sub Sole & alterius ignis ardore mora, observ. i. Aromatum suffimenta & omnium calidorum odoramenta. Capitis tegumentum; frequens capitis lotio, animiq; *παθήματα*.

Quibus

XXII.

Quibus accedere debent quoque illa, videlicet incidentia, contudentia, ferarum venenatarum morsus & similes, quas Gal. l. art. med. c. 85. fufius recenset. E casu in aquam frigidam contracto, Forest. l. 9. obs. 7. vel quem subsequebatur obmutescencia & desipientia obs. 30. Ex offensione obs. 31. confusione cranii & malis accidentibus obs. 32. vel cum vulnere 35. ex vulneris curari remanentia, obs. 34.

XXIII.

Enumeratis enumerandis jam causis; differentia quoque, lege methodi accuratissimæ præscriptâ, veniunt æquissimâ rationis lance pensandæ: quæ sanè sunt multiplices, pro conditione subjecti, causarum efficientium & durationis modo consideratæ.

XXIV.

Pro subjecti natura differt cephalalgia: alia enim fit per *ιδίω πείθειν* s. essentiam; alia v. per reliquarum partium *συμπείθειν* seu consensum.

XXV.

Per essentiam quidem, cum scilicet materia continuum solvens & dolorem creans in ipso consistit & generatur. Clariss. Dn. Præs l. citat. Massar. l. 1. c. 2. de dolor. cap. quæ provenit vel ab obstructione Forest. l. cit. obs. 40. vel ab imbecillitate simplici obs. 38. vel ab imbecillitate cum catharro connexa. Horst. l. 2. obs. 4. vel sensus acuitate. For. obs. 39.

XXVI.

Vel ratione consensus ad reliquas partes; quando materiae fomes ad caput derivatur; sive eò attractio à dolore aut calore; sive ad caput debile transmissio ab aliis partibus robustioribus, idque vel motu Critico vel symptomatico. Transfertur a materia vel à toto, vel ab aliqua parte corporis. Cl. Dn. Præs. l. antea denominato.

XXVII.

A toto corpore, quod ipsum accidere experimur in febribus, vapores in plethora quidem probati; in cacochymia v. mali sunt humores. Ib.

A parte

XXVIII.

A parte verò , nimirum vtero, fertur materia ad caput vel per retentionem , vel per obstructionem sanguinis menstrui & hæmorrhoidum. Forest. obs. 41. 51. Horst. l. 2. obs. de cap. morb. obs. 14.

XXIX.

A ventriculo, pituitosus humor ibidem collectus Forest. l. 9. obs. 45. Ab intestinis obs. 47. ab hepate obs. 48. renum caliditate obs. 50. Splene obs. 49. à stomachi vitio è vaporibus ab humorum cruditate ad caput translatis, obs. 44.

XXX.

Pro secundo differt cephalalgia ratione causarum efficientium, & quatenus secundum causas efficientes hunc dolorem discernit.

XXXI.

Etenim ex humore seu vapore bilioso & acerrimo membranas offendente, fiunt dolores pungentes seu erodentes.

XXXII.

A flatuum aut humorum leviorum abundantia, qui inter calvam & pericranium, vel inter calvam crassamque meningem existunt, & membranas, ab osse diducunt, fiunt distendentes Fern. l. specificat. A plenitudine, maximè verò ab humorum crassitie, oriuntur gravativi.

XXXIII.

A bilioso, eoque sanguine tenui vel à copioso spiritu, quo arteriæ turgentes vehementius pulsantur & membranæ conquassantur, pulsativi enascuntur dolores. De quibus prolixius agit Gal. 2. de loc. aff. c. 1.

XXXIV.

Offertur etiam tertia differentia, à modo durationis diuturno vel breviori deprompta.

XXXV.

Alij dolores pro materiæ copia diu durant; aliqui citò & præter expectationem evanescunt: alij continuo affligunt; quidam verò per intervalla membranas feriunt.

XXXVI.

Alii etiā sunt recentes; alii inveterati, qui ut plurimum ob partis imbecillitatem vel causæ alterius frigiditatem contingunt.

XXXVII.

Alii sunt vehementes, ob corporis membranosi fortem invasionem unde Gal. l. 7. de comp. med. s. l. c. 1. dicit, vehementissimi dolores fiunt juxta caliditatem & frigiditatem, maximè si inæquales exsistant sive citra materiam sive cum ea infestent, ut, Avic. probante, si occurrat syncipiti infantis, habentis ossa exigua & tenuia, sepāret ipsa quoque & rumpat commissuram. Alij vero remissiores, prout graviter vel leviter in subjectam partem materia agere apta nata est.

XXXVIII.

Signa ipsa quod attinet, ea sunt duplicia, vel diagnostica vel prognostica.

XXXIX.

Diagnostica, quæ præsentem dolorem, seu symptoma molestissimum, nunciant, ex ægri, adstantium & absidentium relatione. Quæ desumuntur vel ab ipso loco affecto, qui aut per essentiam aut per consensum hoc symptoma patitur; vel etiam ab aliis rebus.

XL.

Nam si dolor sentitur in capite proprius, tum solum caput, reliquis, extra hoc, membris illæsis, hunc percipit, dolorisque sensus est stabilis & permanens. An verò hic vel intra vel extra calvariam subsistat, supra th. 9. est explicatum. Vnde si materia membranas lædit, dolor est pungitivus, si tendines & nervos, est acutus; si arterias, pulsans, se ipsam substantiam obtusus & gravior, oritur. Fern. l. supra citat. & Massar. eod. l. nominato.

XLI.

Si verò dolor promovetur per sympathiam, noscitur ex eo, quod sensus capitis cum alterius consentientis dolore ita cohareat & reciprocetur, ut ad illius augmentum increseat, ad diminutionem inminuatur, & ad abolitionem cesset penitus.

Deinde

XLII.

Deinde sumuntur etiam signa diagnostica vel à causis internis, vel externis, quas sequentibus th. contemplabimur.

XLIII.

Ab internis, vel ab intemperie simplici, vel composita.

XLIV.

Intemperiei simplici & quidem Calidæ signa sunt, calor in capite & illius apparens, oculorum atque totius faciei rubedo insignis, dolor vehemens, ariditas cutis cum ardore ad tantum persensilis, ira magna, in horas æger est mutabilis, præcesserunt causæ calefacientes, vel mora sub Sole, vel usus calidorum immodicus, juvantur à frigidis, læduntur à calidis.

XLV.

Frigidæ signa sunt, nulla in capite caloris datur perceptio, nulla oculorum, frontis vel alterius partis rubedo, nullus ardor conspicitur, nulla cutis ariditas sese prodit, propensio ad somnum timorisque magnitudo adest. Præcesserunt causæ frigidæ, venti Austrini & nimius frigidorum usus, firmantur à calidis, offenduntur à frigidis.

XLVI.

Siccæ intemperiei signa sunt excrementorum narium, oculorum, palati auriumque, paucitas, oculorum cavitas, cutis, sine fervore tamen, ariditas, vigiliarum præsentia; præcesserunt per vigilia magna, animi corporisque labores, usus exsiccantium. Delectant & prosunt humectantia, incommodum præbent summum, exsiccantia.

XLVII.

Signa intemperiei compositæ iridem sunt multa pro ratione humoris prædominantis, orta quidem vel ab humore sanguineo, bilioso, pituitoso, melancholico ac flatuoso.

XLII X.

Signa humoris sanguinei, cephalalgiam procreantis sunt dolor tensivus & gravans, calor capitis, oculorum & faciei rubedo

perceptibilis, tumor venarum, temporum pulsatio, ariditas cutis manifesta, oris dulcedo; progressio facta est temperamenti calidi & humidi, usus calefacientium, lotiones & illitiones crebrae, exercina nimia, consuetæ evacuationes sanguinis fuerunt suppressæ, urina rubra, adest flos ætatis, plethoricis corripitur morbis, à frigidis levamen, à calidis molestiam capit æger.

XLIX.

Ab humore bilioso adest dolor mordax, erodens, capitis caliditas immoderata, dolor capitis intensus, faciei color citrinus, os amarum, sitis magnitudo, somnus de contentionibus, jurgiis & rixis, urina flava & tenuis, vigiliæ, Cerebri excrementa sunt pauca, aurium verò multa & flavescencia teste Excell. Dno. Præf. l. l. prax part. i. c. 9. præcesserunt bilem prognerantia, ætas juvenilis, hepatis caliditas & siccitas, regio annique tempus calidum & siccum, æstivum videlicet, biliola victus ratio, laborum, vigiliar. inedia & animi affectionum excessus. Juvantur à frigidis, & bilem evacuantibus, corrumpuntur à calidis & exsiccantibus.

L.

Signa humoris pituitosi sunt, dolor mitis, nec ita vehemens urinæ reliquis, sine ulla mordacitate, faciei pallor, somni profunditas, somnia de rebus humidis & animalibus in ejusmodi locis degentibus, sensuum hebetudo, motus pigritia, excrementorum superfluitas, sitis nulla, pulsus tenuitas, urina turbida. Præcesserunt edulia pituitam foventia, temperamentum frigidum & humidum, ægri ætas, sexus, anni tempus, regio. Juvantur à calidis & exsiccantibus, nocumento sunt perquam maximo pituitam augentia, caput frigefacientia & humectantia.

LI.

Melancholici humoris signa sunt sequentia, capitis gravitas, venarum delitescencia, facies decolor, cogitationes profundissimæ, dolor gravativus, exigua quad. vehementia commixtus, excrementorum paucitas, moestitia, timor & moeror, sapor acidus, sollicitudo, corpus extenuatum, vigiliæ. Quibus addi possunt temperamentum, anni tempus, ætatis declinatio, regio & ali.

& alimenta, quæ magis atque magis hunc humorem coagmen-
tare queunt. Proficiunt ea, quæ melancholiam in totum exter-
minant, efficiunt in contrarium, quæ istum capitis hostem fo-
vent, atq; conservant.

LII.

Tandem & flatuosorum spirituum hic apponenda sunt
indicia, capitis levitas, sonitus, tonitus, strepitusq; aurium, do-
loris tensio absque gravitate, doloris inquietudo, capitis arte-
riar. pulsatio validior, excrementorum exigua excretio. Anteces-
serunt victus inordinati & immoderati, calor debilitatus, ætas,
temperamenti ejusmodi constitutio & alia, quæ accumulandis
his operam suam communicant & penitus dicant. Adjumen-
to sunt ea, quæ pro dissipatione horum facere possunt, detrimen-
to verò habentur, quæ hos flatus in horas atque dies firmando
ad augere possunt.

LIII.

Externarum causarum signa clarius exponuntur ex agro-
tantis, assidentium & adstantium relatione, quæ etiam è rebus
præternaturalibus supra specificatis, morsuque ferarum veneno-
sarum, incisione, casu, sectione, contusione, & distensione, ac
similibus corpus mirâ cum violentiâ offendentibus, signifi-
cantur.

LIV.

Cognitis causis per essentiam cephalalgiam efficientium
signis diagnosticis: jam quoque restant ea declaranda, quæ per
communicationem nobis sese offerunt perceptanda.

LV.

Signa ventriculi sunt nausea, inappetentia, ἀπεψία, oris
ventriculi amaritudo, hujus dolor & morsus, compressio, impri-
mis si cibi, prava qualitate & quantitate præditi, fuerint ingesti,
& si pro horum ratione incescente crescit, & his diminutis auf-
fertur cephalalgia.

LVI.

Uteri signa internoscuntur, si menstrui sanguinis vel hæ-
morrhoidum suppressio, præstò sit, vel si humores in utero sub-

sistentes & inibi putrescentes, per spinalem medullam ad superiora vergentes, cerebrum contendant.

LVI.

Ex hepate signa observantur, per dextri lateris dolorificam sensationem, murmurationem, calorem, gravitatem, summam caliditatem, sitim ingentem, oris amaritiem, urinam citrinam, ac rubram, pulsus velocitatem, cibi appetentiam exiguam, faciem decoloratam, gracilitatem corporis universi, & qui peti possunt ex Massar. l. 3. de dolor. hepat. c. II.

LIX.

Splenis indicia monstrantur, ex sinistri hypochondrii dolore, tumore, oris aciditate & aliis, quæ humorem melancholicum subsequuntur, notis, luce meridianâ clarioribus.

A signis diagnosticis ad prognostica, nobis ordine doctrinæ instructis, est faciendum divortium, quæque hic notanda erunt, rationis trutinâ sunt trutinanda, ut ad metam præfixam nobis cò feliciùs, velociùsq; pervenire liceat.

LIX.

Dolor capitis in cute vel pericranio capitis ab externa causa excitatus, aut si ab interna, à flatibus vel à materia non admodum copiosa & crassa, vel ab intemperie, quæ in habitum nondum abiit, oriatur, faciliùs curatur, quàm qui meninges obsidet, vel à contrariis causis ortum habet. Claris. Dn. Præles l. I. prax. part. 3. sect. I. c. 3.

LX.

Quibus per febres urinæ turbatæ, quales jumentorum, ijs dolor capitis vel adest vel aderit, Hipp. l. 4. aph. 70. Colligitur enim è tali urina, adesse humoris copiam crudam & crassam, & spiritu flatuoso refertam, ab externo aliquo errore excitatam, unde flatus, externi caloris beneficio ad superiores capitis partes transmittuntur, & quidem aut soli, aut cum aliis vaporibus calidis permixti.

LXI.

Dolor capitis continuo affligens, somniq; bonitatem destruens, periculo non vacat, insaniam enim in propinquo adesse significat, & maximè, si vomitus accedat ruginosus. Bruel. in praxi Theoroc. & Empiric. c. I.

Qui

LXII.

Qui valentes, repente capitis doloribus corripuntur & protinus muti fiunt ac stertunt, intra septem dies intereunt, nisi febris eos prehenderit Hipp. 6. aph. 51.

LXIII.

Qui capitis dolore, siti, levi pervigilio detinentur, obscure loquuntur, ad motum impotentes, humefcente alvo lassitudine vexantur, in iis fortassis insania est metuenda. Ib. in Coac. prædict. sect. 2. aph. 175.

LXIV.

Caput dolenti & vehementer laboranti pus aut aqua, vel sanguis per nares aut os, aut aures effluens, morbum solvit. Ib. aph. 10.

LXV.

Quibus dolores capitis & frontis fiunt, tum ex ingentibus ventis, tum ex frigore post æstum vehementem, eos gravedines potissimum quidem omnino liberant. Item in coac. prædict. l. 2. sect. 2. text. 30.

LXVI.

Quos verò dolores sine causa & diuturni & totum caput occupantes jam graciles & viribus exhaustos affligunt, in iis attendendum, morbum priore longè esse graviores. Quod si in cervicem & dorsum relicto capite dolor descendit, rursusque in caput recurrit, adhuc gravior est æstimandus. At omnium maxime terret, si à capite ad cervicem & dorsum pervenit. Eos v. juvari spes est, si abcessus aliquis eruperit, aut pustulæ rejectæ fuerint, aut sanguinem per ora venarum fundere sint soliti, aut pustulæ toto corpore pullularint. Ex usu etiam est, caput porrigine tentari Ib. text. 10.

LXVII.

Capitis dolor cum sopore & gravitatis sensu quodammodo convulsionem accersit. Item in Coac. prænot. sect. 2. aph. 174.

LXVIII.

Capitis dolore liberat pus è naribus effluens, aut sputa crassa & inodora. Liberat quoque eruptio ulcerum, interdum etiam somnus ac alvi fluxus, Ib. aph. 172,

Vltimum

LXIX.

Uterum gerentibus capitis dolores soporosi cum gravitate obvenientes, mali sunt. Fortassis autem his etiam convulsivum quid pati contingit. 1. prorhet. comm. 3. aph. 11.

LXX.

Ex his præsuppositis cum satis luculenter appareat, in quæ vitæ discrimina hoc affectu laborantes præcipitari possint, in primo igitur aditu statim eâ, quâ fieri par & possibile est, ratione, venienti malo est occurrendum, ne dum hoc radices quasdam egit, altiores forte fortuna figat, unde postea periculû in mora fiat, nulloque modo eradicetur funditus. Quod ipsum commodissimè instituetur per fontes auxiliorum à Medicor. Schola præscriptus sc. Chirurgicum, pharmaceuticum & diæteticum.

LXXI.

In curatione cephalalgie duo proponuntur, quorum nobis accuratissima ratio est habenda, si hostem capitis infensissimum fugare velimus; quæ sunt dolor & hujus causæ.

LXXII.

Dolorem quod spectat, qui sui ablationem monstrat, postposita indicatione, ab hac decerpta, si vigilie non adesse videantur, anodyna sunt præscribenda, qualia sunt, chamomelum, oleû amyctal. dulc. lac muliebre malva, violaria, adeps vitulinus, anserinus, semen lini & fœnugræc. olea de vitellis ovorum.

LXXIII.

Si verò doloribus assiduis & intensioribus adhuc pervigilia interveniant; ex quibus ægri vires diminutionem patiantur, periculumq; sit, ne ægrotus per intolerabiles cruciatus enecetur; accedendum est ad narcotica in quorum numero sunt solanum, semper vivum, nymphaea, mandragora, opium, papaveris capita, progrediendo nimirum à minoribus ad majora, à blandioribus ad validiora, & probè notando ne hujusmodi medicamenta, comprobante Clariss. Dno, Præs. l. 1. prax. part. 3. sect. 1. c. 3. futuræ coronali, quo loco levissima & aptissima cerebri datur penetratio, nec etiam occipiti, ubi principium nervorum atque adeò ipsius spinalis medullæ origo statuitur, apponantur, sed fronti applicentur.

LXXIV.

Per hanc adhibitam curationem, si dolor non cesset, sed potius augmentum sumat, inquirendum est accuratius & penitius in ejus causas. Quæ tamen, ut suprà satis jam satis est ostensum, sunt vel sola intemperies, vel etiam materia.

LXXV.

In principio, dum causa doloris à calore ortum suum haurit, deprædicatur per plurimum à Rud. Eustach. l. i. c. i. de dolor. capit. Clariss. Dn. Præsid. ut & Massar. l. alleg. aliisq; Medic. oleum rosaceum syncipiti affusum, aut fronti vel temporibus, ope & opera alicujus lintei admotum. Et si dolor sit vehementior, ut fortius penetratio promoveatur; acetum rosaceum est addendum. Quare usus est magnus oxorrhodini, à Rhase, Mesue & aliis hunc in modum præparati. Resp. aq. rosat. ℥iv. ol. rosat. ℥ij. aceti ℥j. M.

LXXVI.

Si fortè major prærequiratur refrigeratio, possunt etiam præscribi reliqua. Succus lactuæ (cujus beneficio Antonius Musa Augustum ab ancipiti morbo curasse fertur. Heurn. l. 2. prax. c 7.) nymph. plantag. 4. sem. frigig. major. prout ardoris magnitudinem, corporis habitum, ætatem, sexum & alia animadvertimus. Convenit etiam odorare violas, rosas, salices, teste Rhase.

LXXVII.

Victus ratio quoque habeatur; aër sit frigidus, sive talis natura sive arte, perstrata in cubiculo folia salicis, vitis, flores rosar. violar. vel lintea aquâ frigidâ vel rosac. madida, ad parietes cubiculi suspensa, paratus; optimè perspirabilis, vitandus est Solis calor & alia calida; fugienda animi pathemata, intermittenda, balnea, immodicæ vigiliæ. Utatur piscibus petrosi & ténacitate carnis dotatis, cremore ptisanæ, carnibus gallinar. malis punicis. Potus sit aqua hordei, borraginis, &c. Abstineat à vinis generosioribus, imò negligat omnia, quæ hunc dolorem cumulare valeant.

LXXVIII.

Cephalalgia per frigidam intemperiem abortæ parentur calefacientia; qualia sunt fœnic. caryoph. aneth. beton. thus,

C

nux

nux moschat. lauri folia & bacca. Cinam. zedoar. ol. laurin a-
nethin. succinum, hyssop. primula veris, rosmarin. nigella sem.
anif. E quibus medicam. conficiuntur, tum internè, tum externè
exhibenda. Quæ apud Clariss. Dn. Præf. l. 1. prax. part. 1. c. 2. vi-
deantur. Laudantur etiam in hoc casu vina medicata, linguæ
cervinæ, salviat. rorismar. & Claret. ab Eod. in Instit. l. 5. part. 3.
sect. 3. c. 4. annotatum. LXXIX.

Ab intemperie ista deductus dolor per diætam justam dimi-
nuatur, necessum est. Aerem frigidum fugere & calidum sive na-
tura, sive arte talem quærere oportet. Naribus admoveantur po-
ma odorata, & alia odorifera. Vinum bibatur tenue, cibi con-
diantur aromatibus moderatis, vel caryoph. mac. roremar. ma-
joran. Carnes dentur pullor. phasianor. perdicum, gallinar. Ex-
citantia sint moderata, animi affectus, ira, gaudium, timor & tri-
stitia planè propellantur.

LXXX.

Dolor capitis movetur etiam ex intemperie sicca, qui non-
nisi contrariis gaudet; quæ sunt humectantia; fl. ros. violar. po-
ma dulc. fol. borrag. bugloss. pinguedo gallina, anserina, sem.
fœnugræc. sem. 4 frigid major. Cydon. syr. borragin. acetosell.
aq. lactucæ, violar. buglossæ.

LXXXI.

His non immeritò diætâ adjungitur; aer sit humidus, somnus
longior. prodest cibi humiditas, bonitas, multiq; nutrimenti, ut
sunt ova sorbilia, caro gallin. avium & jura ex his decocta, lac,
vinum sit dilutum. Dulcium aquar. balnea. Nocent evacuatio-
nes immoderatæ, vigiliæ, animi *καθυμνατα*, ira, tristitia, moeror,
labores. Utilis est corporis animiq; tranquillitas, quæ, ut in opti-
ma corporis habitudine constitutis mira profert commoda, ita
& in agrotis non è re erit minimâ.

LXXXII.

De temperie composita, quam interd. occurrere thes. 14. di-
ximus, curanda, non est, quod diu multumq; sollicitus quis esse
velit: cum ex simplicium cognitione, composita facillimo labo-
re dignoscatur. Itaq; ne crabem toties recoquere videamur
eandem; progressum facimus ad intemperies cum materia co-
pula-

pulatas, quæ sunt humores vel vapores, aut in capite procreati & congregati ex imbecilla & depravata alimentor. coctione, ob partium cerebri & capit. *δυνασταία*, ex qua excrementor. provectus oritur admirabilis : aut aliunde ad illud transmissi, ab hepate, ventriculo &c. ob crudos & maximè vitiatos cibos seu errorem, primæ, aut secundæ, aut tertiæ coctionis commissum, ob quem excrementor. cumulum gigni, ipsa res & experientia omnium rer. magistra, loquitur. Unde ab inferioribus ad superiora deferuntur vapores, vel eò beneficio caloris & doloris aucti atq; aliarum rerum attrahuntur. Intemperiei v. cum materia principalis causa est humor vel sanguineus, biliosus, pituitosus, vel melancholicus, aut flatulentus.

LXXXIII.

In causa, ab humore sanguineo excitata, si vires, ætas & alia permiserint, media cubiti vena est secanda, sanguisq; pro ratione plenitudinis, temperamenti, regionis, ætatis, sexus, anni temporis & similium est mittendus : & si iteratio sanguinis est necessaria, ea non omittenda. ac à mediæ sectione ad ipsam cephalicam est transeundum ; vel incidenda basilica, si à toto corpore vel ab hepate copia ista ad caput elevetur. Quinimò Gal. 2. de med. s. l. 2. dicit, si dolor perseveret, venas quoq; nasi & frontis aperire licet, maximè, ubi posterior capitis sedes dolorem sentit, quemadmodum si quando synciput doloris ferocia occupat, cucurbitula cum scarificatione occipiti affigitur. Et Hipp. 5. aph. 68. parte capitis posteriore dolenti in frontem rectà excurrentis vena incisa, prodest.

LXXXIV.

Verùm ex lege Gal. 13. meth. 19. incipientes & vigentes capitis gravitates & dolores ex plenitudine, revulsio per cucurbitulam in occipitio positam vel sola vel cùm scarificatione, præmissâ corporis evacuatione, juvat. Evacuantiæ talia sunt, cass. extract. catholic. pill. aureæ, cochix, cum aq. borrag. Neq; hic repellentium usus parvi faciendus est, quæ humores ad caput affluentes retrahant, & propulsent. Inter quæ primariò prædicatur usus oxyrrhodini th. 75. descripti. Convenit etiam nymph. solan. lactuca.

Possunt quoq; præscribi discutientia humorum reliquias, ol. chamom. anethin. item sambuc. hyssop. sem. lini. Quibus addenda sunt corroborantia, mala citrina sacch. condita, succ. granat. ribes, barbar. conserv. acetos. endiv. ros. & placentæ rosar. offic. ita dictæ; Nam suavitate odoris cerebrum reficiunt, recreant & relaxant, ac ab eodem vapores arcunt.

LXXXV.

Aër curetur moderate frigidus & siccus; cibus frigefaciens & tenuis, ut cibor. parsimonia & tenuitate imminuatur materia; vitetur vinum, si tamen indulgendum, id sit aq. convenienti dilutum, fructus sint pruna Damascena, caro cydon. sacch. condita, Moderentur exercitia, ira, agritudo, intensa post cibum sumtum meditationes.

LXXXVI.

Porro si his non cedat malum, sed adhuc tenacius subsistat; indicio erit sanguinis massam non amplius puram, sed alium humorem esse mixtum. Propterea ad reliquos humores est deveniendum.

LXXXVII.

Humoris biliosi si adest nimia quantitas, illa est evacuanda & à capite avertenda. Quod certè, si abundet simul sanguis, efficitur per sanguinis missionem, vel etiam venæ basilicæ sectionem ratione jecoris, vel cephalicæ, ratione capitis, vel mediæ, utriusq; respectu.

LXXXVIII.

Materia verò prius ritè præparetur, per aq. endiv. viol. syr. acetos. ros. Deinde expurgetur per electuar. lenitiv. rhabarb. electuar. de sebesten, spicæ gran. Discutiatur per chamom. melilot. sem. scenugn. fl. ros. viol. sem. lactus. ol. ros. chamom.

LXXXIX.

Corroboretur deniq; fl. ros. viol. aq. endiv. vel conf. borrag. rosar. lactuc. Italic. condit. spec. diamargarit. frigid. & diatragac. frigid. fol. lactuc. portulac. ol. chamom. quod præcipue à multis commendatur.

XC.

Respectu dietæ, cuncta debent esse frigida & humida. Aër frigidus & humidus esto; cibi frigidiores ac humidiores, pisces petrosi, cremor ptisanæ, carnes juniorum animalium. Sibi temperet ager à vino, utatur potius aqua decocta hordei, cerevisia
tenui

tenui. Utilia sunt balnea modica, vigiliæ nocent, exercitia corporis & animi motus sint temperata.

XCI.

In cephalalgia ex humore pituitoso conflata conveniunt, fœnic. sambuc. salv. organ. capill. ♀, radix ireos, sem. anis. rosmarin fl. stœcchad. quæ capiti peculiariter profunt. Mel rosat. oxymel simplex, & in admistione humoris serosi mechoacan-na, cortic. sambuc. manna, agaricus fl. persicorum Pro evacuatione humoris dantur quoque hyssop. beton. sem. anisi in aq. comm. decoct. cass. extract. Agarie. cartham. decoct. ligni guajaci. electuar. catholic. pill. de agarico, sine quibus, aureæ.

XCII.

Residua materia est discutienda per medicamenta ista; quæ sunt acorus conditus, radix cyclamin. ireos, mastiche. succus vel aq. majoran. piper, nicotiana, fol. citri, hyssop. ruta, salvia, nigella. Gal. 2. de comp. medic. s. l. c. 2. Avic. tetrab. 2. serm. 2. c. 48. utuntur verbenaca erecta, quæ certè insignem fructum sup-peditat in humoribus discutiendis & amovendis, sive ex aliqua frigiditate, sive etiam aliis humoribus crassissimis deductis & progeneratis.

XCIII.

Pars affecta corroboretur per nuc. moschat. cubeb. cardamom. cinâm. majoran. rosmar. conserv. anthos, piper. & acor. conditum. Excell. Dn. Præf. decoct. sarsæ parill. Chinæ & si majore exsiccatione & calefactione opus sit, ligni Guajaci usum. l. i. prax. part. i. c. 10. extollit.

XCIV.

Aer sit calidus & siccus, non tamē in excessu & defectu peccans, cibus sit parcus, carnes sint facillimæ resolutionis & coctionis, utpote caponum, columbar. & alior. animal, probè condiantur aromatibus. Pisces evitent, lacticia, legumina, olera Juvant a passulæ, uvæ, anisum, fœnic. sacch. confect. Potus, sit aq. cinâm. decocta vel è salvia, lingua cervina. Somnus sit moderatq, animi affectus, mœror, tristitia, leniantur.

XCV.

Humor melancholicus, cephalalgia autor, id curatur per Chirurgiam, quæ indicia plenitudinis & reliquar. consentientium

sefe exhibent. Itaq; vel è vena cephalica, vel ex communi aliqua si plenitudo & capiti & corpori molestiam parit, sanguis est evacuandus. Hujus a. notificationibus nullis vel exiguis perspectis & non urgente necessitatis casu, ipsa pharmacia consulenda, & quæ ex ea peti possunt, huc transferenda, suntq; thymus, epithym. radix fœnic. viola purpur. rosa, radix bugloss. stœch. Arab. fumar. rosmar. fol. senæ, polipod. quern. confect. hamech. Elect. diasen. syr. de epithym. XCVI.

Pro revellenda materia contumaci faciunt frictiones, scarificationes, cucurbitulæ tam scarificatæ, quæ fortius pro rei exigentia revellunt, quàm non scarificatæ; hirudines partib. inferiorib. applicatæ, frictiones crurum &c.

XCVII.

Corroborantia partem affectam sunt, borrago, rosæ, melissa buglossum, margirit. confect. Alcherm. conserv. borrag. acetosell. Elect. Almanforis lætificans, citri condit. confect. propter atram bilem admisceantur, corroll. lapis Bezoardicus, bolus Armen. aq. nymph. ros. ol. chamom. Capitis lotiones ex decoct. nymph. malv. fl. chamom. borrag. viol. fiant.

XCVIII.

Aer esto calidus & humidus, natura vel arte talis cibus, præter caliditatem, magis vergat ad humiditatem, ptisana, juscula carniū, ova forbilia recentia, pisces saxatiles nec fumo indurati nec dentur alia melancholicum humorem moventia & promoventia. Vinum bibat tenue, aut si fortius & generosum est, diluatur aq. endiv. eichor. Moderationem servet in corporis exercitiis & animi motibus, instigetur ad lætitiā & animi tranquillitatē; deducatur à tristitia & molli defluat luxu. Excrementa ejiciat, somnus longus concilietur, vigiliæ interdiciantur.

XCIX.

E flatulento vapore, qui promanat dolor, per medicamenta, materiam huic suggerentem, & qui ex eâ, tanquam è perenni fluxu scaturit, dissipantia, exterminatur, observatis iis, quæ flatu discutiunt, utpote sem. anisi, aneth. carvi, bacca lauri, spec. aromat. rosat. & legitimam diætā apparant, ne forsitan de novo caput

caput repleatur, & agrotus recidivum affectum sustinere cogatur.

C.

Factis hoc modo faciendis & declaratis rudi Minervâ declarandis causis cephalalgiam per essentiam gignentibus: superest causas, per consensum, dolores, accersentes, curare easque profligare plenius. Ubi vel à toto corpore, vel à parte tantum aliqua corporis hoc malum progerminat.

CI.

A toto corpore causas advenientes curare & pellere longum foret, cum hæ à febribus in corporis œconomia commorantibus pullulent & fusiorem curam, quàm quæ in hac brevissima dissertatione non commodè satisq; benè peragi potest, exigant. Satiùs itaque putamus esse, tacere, quàm de iis paucissima proferre & leviter pertractare.

CII.

Materia doloris ori ventriculi innatans, aptissimè per evacuationem amovetur, qualia sunt medicam. vomitoria, si patiens inclinet ad vomitum; quæ sunt aq. tepida, aut decoct. sem. raphani, addito modico olei pro facilitate vomendi expeditiori: vel aq. tepida cum oxymel. vel aq. decoct. cum sem. fœnic. & raphan. Paul. l. 3. c. 4. Potest etiam alio modo expelli materia, videlicet manna, rhabarb. express. in aq. cichor. Electuar. lenitiv. & catholic. hiera simpl. & compos. pill. de aloë lota, stomach. cum aq. endiv. syr. de menta, hyssop. stœchad.

CIII.

Si materia latitat in tunicis ventriculi quasi impacta, ut vix ejici possit, optimum est remedium hiera picra. Cui submittenda sunt repellentia, aq. rosac. cum ol. rosat & aceto Oxyrrhodin. suprâ descriptum. Roborandusque est ventriculus ol. mastich. nardin. spicæ, anethin, macis. calam. arom. condit; ut nec minùs caput, piper. condit. Indic. syr. de ros. succ. granat. Elect. arom. rosat. conserv. ros. antiquar. cortic. citri condit. corroborandum est.

CIV.

Ab hepate, si doloris materia fluat, explorata sanguinis quanti-

quantitate vel ejusd. prava qualitate, interna dextri cubiti vena, quæ hepati per consensum respondeat, secunda est, humoris præparatione antegressa; syr. de eupator. endiv. pill. de agaric. aloë. Provocanda quoq; est hepatis refrigeratio, cichor. endiv. aceto-sell. borrag. cydon. malis & granat.

CV.

In obstructione hepatis, quæ sæpissimè sese repræsentat, in magno pretio habetur diarrhod. Abbat. tabulat. trochisc. de santal. Heurn. l. 2. prax. c. 17. hyssop. agrimon. cichor. eupator. absynth. fœnic. beton. & quæ ibi fusius persequitur, l. 2. c. 19. prædicat. Exhibenda insuper etiam sunt confortantia hepar, syr. de absynth. diamargarit. frigid. cinam. unguenta ex ol. caryoph. cinam. spicæ. Reliquar. a. partium curationem cuilibet sano suo judicio relinquimus.

CVI.

Deniq; etiam pensitanda est cephalalgia, ex ingenti casu, contusione, percussione, prolata. Ubi primò de inflammatione imminenti est cogitandum, quæ prohiberi poterit per venæ sectionem, suo certo loco, tempore & aliis circumstantiis probè revolutis, adhibendam. Deinceps localia, vid. styptica, medicam. & repellentia, qualia sunt aq. ros. ol. ros. myrthi, adjiciantur, ademitis capillis linimento pars dolens inungenda. R. succor. major. salv. ana. ℥j. aq. ros. ℥iij. vitell. ovor. uo. i. M. Parte inuncta, si dolor nondum à suo conatu desistat, pro hujus lenitione majori applicandum est exemplum, R. far. fabar. hord. ros. rubr. myrtill. ana. ℥ij. cum ol. ros. q. s. M. Quibus diætam & modum assumendi omnia, cum in hisce, Hipp. dicente *Φαγανία ἀέριον* ponatur, omni cura & labore subjungere decet.

CVII.

Atq; hæc sunt, quæ pro temporis ratione & ingenii modulo. Divini Numinis gratia, exercitii ergò proferre placuerunt Si quæ igitur præter spem minus congruè à mea tenuitate fuerint deducta; veniam me esse impetraturum ab omnibus confido firmiter, perpendentibus illud, in nullo penitus aberrare, divinitatis potius, quàm humanitatis opus esse per quàm

maximum.

F I N I S.